



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vita Beati P. Philippi Nerii Florentini. Congregationis Oratorii Fvndatoris

Gallonio, Antonio

Mogvntiæ, 1602

Tentationes eius.

urn:nbn:de:hbz:466:1-43172

Tentationes eius.

EA in peregrinatione Ecclesiarum, qua ille, ut dictum est, utebatur creberrimè, sicuti magna à Deo dona accipiebat, beneficiaq; ita contra à Diabolo, ut illum ab instituto absterret, multa sustinuit inuitus, eum etenim, modò hac, modò illa aggrediebatur via: nunc ardentes ad libidinem faces, subijciendo, quas ille tentationes lacrymis semper, orationeq; vincebat: nunc alijs artibus eum assiduè diuexando, quibus nihilominus tantum abest, ut Philippo quicquā nocuerit, ut maximè profuerit; occasione illi nimirum præsentissimam præbens gloriosi triumphi de hoste immanissimo erigendi.

Illud porrò eidem hac in peregrinatione accidit memoria fanè dignū. Obeūti nocte intēpesta, nullo sibi adiūcto comite, eas, de quib⁹ loquimur Ecclesias tres illico dæmones

*a Similibus
tentationi-
bus impu-
gnantur à
damone
Sāctissimi
viri. tu in-
terim lege
S. Atha-
nasii in
vita B.
Antonii, S.
Hierony-
mum in
vita Hila-
rionis abb.
Et demum
S. Greg Pa-
pā in rebus
gestis S. Be-
nedicti
dialo. lib. 2*

*b Diabolū
Sanctis vi-
ris terrōre
incutere
solitū eo-
rum res ge-
stā testan-
tur. percur-
re Me-
taph. in
Daniele
Stylitā.
Georgium
Monachū
in Theodo-
ro Sicaota,
Osbertum
in Dunsta-
no apud
Sur. tom 3.
c. 15. & de
mū Theo-
retum in
Philostheo.*

*S. Greg.
Hom. Eu-
ang. II.*

Esa. c. 24.

b se se eius deterrendi causa, ad Caput bouis; sic dictum locum, obii-
ciunt; quorum ille truci aspectu nō
modò non motus est, sed eos etiam
per contemptum nullo trepidatio-
nis signo dato, quòd cælestibus mu-
nitus præfidiis sub vmbra diuini la-
teret auxilij, præteriit, cœptumque
iter, vt fortiter, ita constanter pere-
git. Id vbi aduertere infesti illi ne-
quitia spiritus, omni cum superan-
di spe delecti, sese subito proripiunt.
Atque eius ferè generis per id tem-
pus planè multa alia à dæmonibus
in hac ipsa peregrinatione sustinuit;
sed vbi nouis à diabolo tentationi-
bus roboratur.

Verum, quæ ille à Deo acceperit
dona, horum ipse sibi conscius erat,
cæteros interiora quæque celata ef-
se volens. Nouerat enim Gregorij
sententiam, dicentis: deprædari
vult qui thesaurum palam portat
in via. illudque præterea crebrius
apud se reputabat: Secretum me-

um

um mihi, secretum meum mihi.

Testantur sanè omnes, qui Philippo intimi erant, nunquam se hominem vidisse, qui ab humanis laudibus æque atq; ille abhorreret, aut qui de se ipse sentiret, prædicaretq; demissius; quandoquidem neque scientiam, qua præclare instructus erat, neq; sanctimoniam vitæ ostendere visus est vnquam; sed tum verbo, tum incessu, tum reliquis modestiam in primis, gloriæque contemptum præseferre nitebatur; Spiritum enim ille mortificationis, qui dicitur, perpetuo coluit. Quocirca miretur nemo, si de occultioribus eius rebus gestis pauca admodum enarrari poterunt.

Illud sanè pro comperto habetur, quod ex illa peregrinatione, vt maxima incrementa virtutum pertulit, ita plurimas contra dæmones, claraq; victorias reportauit.